

Zamjenik Visokog predstavnika Jean Pierre Berçot pozdravlja usvajanje budžeta Hercegovačko-neretvanskog kantona

Zamjenik Visokog predstavnika i šef Ureda Visokog predstavnika (Jug), Ambasador Jean-Pierre Berçot, pozdravlja usvajanje budžeta Hercegovačko-neretvanskog kantona za 2002. godinu kojeg je danas konačno usvojila Kantonalna skupština u Mostaru. Ovo je pitanje dugo bilo kamen spoticanja u radu Kantona te je doprinijelo zastoju u isplati plaća budžetskim korisnicima. OHR je pozorno pratio rješavanje ovoga pitanja.

Prema informacijama kojima raspolaže OHR, ovaj je kantonalni budžet po prvi puta napravljen tako da u mnogim aspektima "razbija" podjelu budžeta u sistemu isplate po etničkim odrednicama. Ovaj budžet nije idealan, ali je polazišna tačka za daljnje funkcionisanje Kantona koji je ionako teško opterećen dugovima i različitim obavezama. Obraćajući se članovima Kantonalne skupštine nakon što su usvojili budžet, Zamjenik Visokog predstavnika Berçot je rekao: "Današnja je odluka glas za isplaćene plaće putem unaprijeđenog budžeta – za razliku od beskonačnih političkih igara koje se odražavaju kroz socijalnu krizu. Sada je naVladida upotpunosti ostvari ovaj budžet."

U svome govoru, Ambasador Berçot je posebno naglasio potrebu da se kantonalne vlasti hitno okrenu ka rješavanju brojnih gorućih pitanja u Kantonu kao što su socijalni problemi, poticanje ulaganja, stvaranje novih radnih mjesta, bolje prikupljanje prihoda, racionaliziranje troškova, regulisanje

dugova itd. Štaviše, OHR i nadalje podržava potrebu za Kantonalnom vladom koja će u potpunosti funkcionisati u zajedničkim prostorijama i sa zajednički uposlenim osobljem.